

短兵以捍之設堅柵以徇之順其流以擊之夜戰之道利在機密或潛師銜枚出其不意或多以火鼓亂其耳目馳而攻之可以勝矣

和人

夫用兵之道要在和人人不和則不勸而自戰矣若吏卒相猜士戎不附忠謀不納羣小暗議謗匿芽生雖有湯武之智而不能取勝於匹夫况其眾乎故傳曰兵猶火也不戢將自焚矣

察情

夫兵起於情近而靜者恃其險也遠而挑戰者欲人之進也眾樹動者來也塵卑而廣者徒來也高而銳者車來也辭強而進驅者退也卑而益備者進也半進半退者誘也杖而行者饑也見利而不進者勞也鳥集者虛也夜呼者恐也軍擾者將不重也旌旛動者亂也吏怒者倦也數賞者窘也思罰者困也先暴而後畏其眾者不精之至也來委謝者欲休息也儕重而言甘者誘我也

將情

夫為將之道軍井未汲將不言渴軍米未炊將不言饑軍火未燃將不言寒軍幕未拽將不言熱夏不操扇冬不服裘雨不張蓋與眾同也

威令

道藏輯要

忠武侯集
心書

三

星集三
川上

夫一人之身百萬之眾東肩歛息重足俯聽莫敢仰視法制使然也若乃上無刑罰下無禮義雖貴有天下富有四海而不能自免者桀紂之類是也匹夫操兵之權制之以法令威之以賞罰而人不能逆其命者孫武穰苴之類是也故令不可輕勢不可逆也

東夷

東夷之性薄禮少義悍急能團依山塹海憑險自固若君臣和睦黎民安樂不可圖也上亂下離則可以行間間起則隙生隙生則修德以來之固甲兵以擊之其勢必剋也

西戎

西戎之性勇悍好利或城居或野處米糧少金貝多故人勇戰鬪難敗其積石以西諸戎種繁地廣形險俗負強狠故人多不臣當候之以外釁伺之以內亂則可破矣

南蠻

南蠻多種性不帥教連合朋黨失意則叛屠洞依山或聚或散西至崑崙東至洋海產奇貨故人貪而勇戰春夏多瘴疫利在疾鬪不可久師也

羌狄

羌狄居無城郭隨逐水草勢利則南侵勢失則自引去長山廣積足以自衛饑則捕獸飲乳寒則寢皮服裘奔走射獵以殺爲